

Protocol no. 54
Sezzüda da gövgia, als 7 favrer 2013 20.15 – 23.45

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 53 da la sezzüda da gövgia, als 31 schner 2013 vain approvà.

461 942.503.01 Stabilimaint da la Posta
Concept a regard cumpra dal stabilimaint

Il Cussagl ha laschè elavurar ün concept supra l'andamaint in fatschenda. Quel prevezza chi's prova da chattar ün investur, scha pussibel in cumün o illa regiun.

Cler ais, ch'our da motivs da temp sto l'agentura pudair gnir subit activa in fatschenda. Perquai decid'il Cussagl da surdar l'incumbenza a l'agentura Olivetti cul muossavia sülla resalva da l'acconsentimaint da la cumünanza d'urna.

Il Cussagl quinta cun ev. success davart l'agent, uschè chi pudarà gnir preschantà a la radunanza orientaziuns concretas a regard interessenza.

462 340.366 Promoziun sport
Gore Tex Transalpine Run 2013

Sco minch'on vain dumondà eir quist on per transir sül territori da Sent. I's tratta dals 3 settember 2013 pel traget Samignun – Scuol, ingiò chi'd es tangà il trassè Fuorcla Val Gronda - Val Chöglias – Val Laver – vers Motta Naluns.

Sainza discussiun vain it d'accord cun quai.

463 620.314.01 Rotta da naiv ed inglerar vias
Charta davart la ditta Mader Transports

La ditta Mader suottametta dumondas in connex cul möd da surdatta da la rumida da naiv. I vain uossa salvà ün aboccamaint per sclerir quellas.

464 81 ECONOMIA FORESTALA
Predschs pel on 2013

Il silvicultur suottametta la glista da predschs per ingaschamaints da maschinas cumünalas, per scuntraziuns internas da persunal sco eir per forzas da lavur temporarias. Il Cussagl acconsentischa las tariffas fond seguaints adattamaints:

Pajas per forzas da lavur temporarias	classa I:	fr. 30.00 l'ura	(27.00)
	classa II	fr. 27.50 l'ura	(25.00)
	classa III	fr. 25.00 l'ura	(22.50)

465 83

TURISSEM

Via da jouslas Vastur – Tuffalora – Sent

Marianne Werro orientescha d'esser gnüd'infuormada, ch'automobilists indigens blastemman cun giasts chi schlisoleschan sün quel traget. I vain uossa scleri cul Turissem, scha quel vess ev. eir indreschi similas reclamaziuns o schi's tratta qua d'ün cas singul.

468

DIVERSAS SCHEFS

Container Andri e Carolina Pua, Tanter Vias

Els dumondan per survgnir ün container pro lur chasa. Els motiveschan il bsögn cul fat, cha lur paura figüra suot la sparta affars. Cun quai ch'affars han il dret d'ün container, aderisch'il Cussagl a la dumonda.

Cabina da telefon, Sala

Marianne Werro orientescha, eir in basa da fotografias, sur da la renovaziun gnüda fatta vi da la veglia cabina da telefon. Uossa es quai dvantà landroura üna cabina d'infuormaziuns fich illustra.

Classa da talents

Andri Poo orientescha supra la sezzüda dal Cussagl da scoula, a chaschun da la quala ais eir gnü trattà la fatschenda d'üna classe da talents. L'idea resp. la dumonda per quai deriva davart da la PEB, però quella prevezess üna classe na be pel sector sport dimpersè in general. Uossa prevezza però l'institut da Ftan da metter ad ir quella classe be svess. Il Cussagl da scoula ha elavurà ün urari ed ün preventiv da cuosts. El surdarà la documainta elavurada a la PEB.

KESB / APUC – Autorità da protecziun d'uffants e da creschüts

Andri Poo ha fat part a la festetta d'inauguraziun. Il cusglier guverantiv, Christian Rathgeb, ha discuru in chosa. Ultra da quai ais gnüda preschantada la nouva structura ed ils collavuratur. Il chantun exista nouv be amo our da 5 APUC independentas. Il post da quella d'Engiadina e Vals dal süd ais a Samedan – ün post extern per tschertüns servezzans exist'eir a Scuol.

Revisiun totala da la ledscha da god dal Grischun

Men Caviezel orientescha. Quella ais entrada in vigur a partir dals 1. schner 2013. L'uffizi da god e privels da la natüra orientescha supra las innovaziuns las plü importantas. La documainta vain surdatta al schef da fabrica, D. Jann, a man eir da la cumischiun da fabrica.

469

ORIENTAZIUNS

Refuorma da l'egualisaziun da finanzas / consultaziun

Il Capo, Albert Mayer, orientescha sur da la dieta d'orientaziun, la quala ha gnü lö als 6 favrer 2013 a Zernez. El ed il contabel, Rico Zini, vaivan fat part. Per nos cumün significha il nouv scumpart da finanzas ün'entrad'implü da fr. 204'000.00. Mincha cumün sto uossa implir oura ün questunari a regard la consultaziun.

470

VARIA

Suot Varia sun gnüdas discutadas fatschendas da personal chi suottastan al secret d'uffizi.

L'actuar:
Marco Fallet

Il Capo:
Albert Mayer

Las fatschendas nr. 466 / 467 nu vegnan publicadas, causa cha quellas suottastan al secret d'uffizi resp. nu sun amo trattadas in möd conclusiv e na amo decisas.